



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 13. Species sacræ hostiæ Constantinopoli corrupta.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIII. Rex ad iter transmarinum ante quin-
A.C. 1284. quennium adstrictus non esset. Is illud
 prorsus omisit: estque vero simillimum
 eum præter decimas nihil voluisse.

§. XIII.

*Species sacræ hostiæ Constantinopolis
 corrupta.*

Imperator Andronicus Palæologus diffi-
 dentes Græcos schismaticos in con-
 cordiam reducere semper conabatur.
 Profectus in Anatoliam, Patriarcham
 Constantinopolitanum Gregorium cum
 Pachym. l. 7. fautoribus ejus præcipuis, simulque ad-
 6. 21. 28. versarum partium, scilicet Arsenitarum
 primores illuc venire jussit. Adramiti
 agebant hyemem sumptibus Imperatoris,
 qui vernum per jejunium hujus anni
 1284 quavis hebdomade bis cum eis
 consultabat.

Interea Constantinopoli res accidit
 quæ pro terribili prodigio habebatur.
 c. 28. Vigesima Februarii, quæ hoc anno quin-
 quagesima dies ante Pascha erat (Græci
 Maur. Da- dominicam casei vocant, quia postrema
 vid. p. 40. est dies, qua cibos lacte confectos come-
 dunt) Sacerdos in templo principe solen-
 ni more sacrificans, peracta re divina vas
 Augustissimæ Evcharistiæ seu ciborium
 aperuit, ut immitteret hostias consecra-
 tas

tas pro tota hebdomade sequente, qua ^{Sæcul. XIII.}
 Græci jejunium vernum incipiunt: nam ^{A. C. 1284.}
 diebus jejunii non consecrant, sed sa-
 crum præsanctificatorum (sic vocant)
 faciunt, ut nos sexta sanctæ hebdo-
 madis die solemus. Aperto, inquam,
 in ciborio Sacerdos vidit hostiam pror-
 sus corruptam, quæ credebatur esse u-
 na de tribus anno præterito hebdoma-
 dis majoris die quarto consecratis, &
 quæ comesta non fuerat; nam sacrifi-
 cium non fuit finitum, quia sero ni-
 mium erat, cum Ecclesiastici absolutio-
 nem acciperent. Hæc hostia erat a-
 deo corrupta, ut panis speciem habe-
 ret nullam, & similior esset theriacæ
 frustulo ob nigrorem ac duritiam suam.
 Sacerdos trepidans cum assistentibus
 deliberabat, quid agendum esset: nec
 in animum inducebat vel bolum tam
 nauseosum sumere, vel absolvere sa-
 crum non immixtis in ciborium hostiis,
 quas consecraverat. Tandem ex com-
 muni consilio statuit corruptam indere
 loco ad usus similes destinato, quem
 Græci furnum sacrum, nos piscinam
 dicimus.

Sup.

§. XIV.